

內 務

會議政務處奏議覆兩廣總督張奏請將廣東水陸提督仍分兩缺摺

二百二十六

四月

然則最後之問題。固莫難於經濟問題矣。今日官場所咨嗟太息。遇事不克舉辦者。皆此問題為之阻撓也。顧彼等所以如此殷憂而不可解者。其為新政計乎。抑為家政計乎。余誠不得而知之。特是司法獨立一事。固無須乎慮此。蓋司法既經獨立。則地方官之責任較輕。其應得之資廉。既可分歸實用。其不應得之中飽。自應如數充公。以此充公之款。而備裁判所組織之用。或尚慮有不足乎。則發審局固有之開支。及訴訟上應收之費用。殆無不可為裁判官仰給之資。當局者倘留心及此乎。吾未見財政之不足者也。

嗟乎。今之關心時局者。殆皆言預備立憲矣。皆言地方自治矣。而抑知司法獨立問題。關係於立憲者。何如關係於地方自治者。又何如吾國民果有政治思想乎。當亦必於此次之上諭而進求一解焉。

會議政務處奏議覆兩廣總督張奏請將廣東水陸提督仍分兩缺摺

本年十二月初一日准軍機處鈔交兩廣總督張人駿奏請將水陸提督仍分兩缺一摺奉 硃批會議政務處議奏欽此。臣等謹將此次該督原奏及上年五月間前兩廣督

臣岑春煊議改水陸提督經政務處覆奏議准各摺一併詳細覆核竊查廣東盜賊素多而海盜為患尤劇。自乾隆末年嘉慶初年以來。海盜巨魁若張保仔等連檣結黨縱橫出沒南

洋數千里商民深受其害以故前兩廣總督百齡亟亟以添設水師提督爲請蓋以水師陸隊各有專長而水師練習風濤駕駛追捕較陸路爲尤難前督臣岑春煊徒慮事權不一遂奏請將水陸提督裁併爲一近年各埠通商以來外國商輪往來廣東各屬海外河者甚多一遇劫掠輒致枝節橫生欲自派兵輪深入內河自行防護揆度時勢若僅責成提督一員水陸兼顧實有所難今該督張人駿奏稱籌畫粵省情形仍宜將水師陸路提督分設兩缺既經體察明確自應請 旨准如所奏辦理至如何選撥兵丁畫分權限給予廉俸領回印信各詳細章程仍由該督妥訂奏請施行謹 奏奉 旨依議欽此

會議政務處奏議覆東三省總督徐等奏吉省增設府州縣缺摺

准軍機處鈔交東三省總督徐世昌等奏吉省屬境遼闊擬請擇要增設府州縣員缺一摺光緒三十三年十二月初六日奉 硃批會議政務處議奏欽此竊維吉省控引江奉幅員最廣向以土曠人稀設官無幾近則移民墾土生殖日繁且現籌旗民生計尙擬陸續遷往自應豫謀建置以期成邑成都第經營伊始必當審度地勢布置適宜庶可便控馭而規久遠原奏稱擬於省城東北峰蜜山添設知府一員曰蜜山府省西長嶺子添設知縣一員曰長嶺縣西南蒙江添設知州一員曰蒙江州東南樺皮甸子添設知縣一員曰樺甸縣查

內 務

會議政務處奏議覆東三省總督徐等奏吉省增設府州縣缺摺

二百二十七

戊申